



Broj : 10/E-11- 1081 /25
Sarajevo: 19-07-2025 godine

Na osnovu člana 10c. stav (5) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za opću upravu od 13.02.2025. godine, Opštinski načelnik d o n o s i :

O D L U K U **o izuzeću od primjene Zakona o javnim nabavkama**

Član 1.

Od primjene Zakona o javnim nabavkama izuzimaju se usluge istraživanja arhivske građe i dostave dokumentacije, a koje se mogu nabaviti od JU „HISTORIJSKI ARHIV SARAJEVO“, u skladu sa propisima koji regulišu predmetnu oblast.

Član 2.

Postupak usluga iz člana (1) ovog člana, je u skladu sa članom 10c. stav (5) Zakona o javnim nabavkama, i izuzet je od primjene odredbi Zakona. Vrsta ugovora su usluge.

Član 3.

Procijenjena vrijednost nabavke bez PDV-a iznosi ukupno 830,00 KM.
Predmetna nabavka je planirana u Budžetu Općine Centar Sarajevo za 2025.godinu, na budžetskom kontu: 613915-4A. JRJN: 92512000-3 Usluge arhiva.

Član 4.

Kabinet općinskog načelnika – Odsjek za javne nabavke provest će proceduru donošenja odluke, shodno odredbama Zakona o javnim nabavkama ("Službeni glasnik BiH", br. 39/14, 59/22 i 50/24), a koje se odnose na izuzeće od primjene Zakona. Za praćenje i realizaciju iste zadužena je Služba za opću upravu, u skladu sa zakonom i općim aktima ovog Organa uprave.

Član 5.

Predmetna nabavka će se provesti u skladu sa odredbama Pravilnika o internim procedurama u postupcima javnih nabavki roba, usluga i radova sa načinom realizacije ugovora nakon provedenog postupka javne nabave, te će nadležna služba obezbijediti dokaze za provođenje predmetne nabavke, a sa JU „HISTORIJSKI ARHIV SARAJEVO“ neće se zaključiti ugovor. JU „HISTORIJSKI ARHIV SARAJEVO“ će dostavljati račune o izvršenim uslugama, na osnovu potpisane narudžbenice.

Član 6.

Ova Odluka stupa na snagu danom donošenja i ista će biti objavljena na internet stranici Općine Centar Sarajevo.

O b r a z l o ž e n j e

Na osnovu zahtjeva Službe za opću upravu od 13.02.2025. godine za donošenje odluke o izuzeću za usluge istraživanja arhivske građe i dostave dokumentacije, Kabinet općinskog načelnika – Odsjek za javne nabavke predlaže donošenje iste.

Nakon što je Kabinet općinskog načelnika – Odsjek za javne nabavke izvršio provjeru svih elemenata za donošenje odluke o izuzeću za predmetne usluge, utvrđeno je da se navedene usluge izuzimaju od primjene odredbi Zakona o javnim nabavkama u skladu sa članom 10c. stav (5) Zakona o javnim nabavkama.

Predmetna nabavka će se provesti u skladu sa odredbama Pravilnika o internim procedurama u postupcima javnih nabavki roba, usluga i radova sa načinom realizacije ugovora nakon provedenog postupka javne nabave, te će nadležna služba obezbijediti dokaze za predmetne usluge.

Dalje, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) *ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;*
- b) *ta saradnja uspostavljena isključivo na osnovu potreba vezanih uz javni interes;*
- c) *ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.*

Predmetne usluge se mogu obezbijediti od JU „HISTORIJSKI ARHIV SARAJEVO“, te je konstatovano da je JU „HISTORIJSKI ARHIV SARAJEVO“ pravno lice-ugovorni organ, osnovano od strane kantonalnog nivoa vlasti, da se između ugovornih organa ostvaruje saradnja s ciljem osiguravanja javne usluge kojima se ostvaruju njihovi zajednički ciljevi, da je saradnja uspostavljena isključivo na osnovu potreba vezanih uz javni interes, te da ugovorni organi ostvaraju na otvorenom tržištu manje od 20% djelatnosti na koje se odnosi saradnja.

Pravni osnov za pokretanje postupka predmetne nabavke putem izuzeća su odredbe Zakona o arhivskoj djelatnosti („Službene novine Kantona Sarajevo“ broj 50/16) i Uredbe o uslugama i cijenama usluga JU „HISTORIJSKI ARHIV SARAJEVO“ broj: 02-05-32638-1/18.

U skladu sa članom 18. stav (1) i (2) a u vezi sa članom 10c. stav (5), kojim su propisana izuzeća od primjene odredbi ovog zakona, utvrđeno je da su ispunjene pretpostavke za donošenje predmetne odluke.. Sa JU „HISTORIJSKI ARHIV SARAJEVO“ se neće zaključiti ugovor, već se se za svaku izvršenu uslugu dostavljati računi, a na osnovu potpisane narudžbenice.

Period primjene pružanja usluga teče od dana donošenja ove odluke. Za praćenje i realizaciju navedene usluge zadužena je Služba za opću upravu.

Analizirajući predmetni zahtjev, nadležna Služba za finansije utvrdila je da su ispunjene pretpostavke za realizaciju navedenih usluga, odnosno da su finansijska sredstva za ove namjene obezbijeđena u Budžetu Općine Centar za 2025. godinu, na budžetskom kontu: 613915-4A.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću na konačno odobravanje i saglasnost.

Cijeneći prethodno navedeno donesena je Odluka kao u dispozitivu.



Dostaviti:

1. Službi za opću upravu
2. Službi za finansije
3. Kabinetu općinskog načelnika – Odsjeku za javne nabavke
4. Evidenciji